



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Antimachum Mantuanum de amoribus Mincij, ac de Vergilio.

urn:nbn:de:hbz:466:1-13534

ERIDANORVM

Tale seni solamen ades mihi dulcior Hyblæ
 Stella fanis, umbra gratior Idalia.
 Aura recens, Nam Stella mihi flagrante sub æstu,
 Ipsa meos ignes rore madente leuas.
 E' labris mihi ros, ex ore recentior aura
 Spirat Stella tuo, stillat & ipse liquor.

AD ANTIMACHVM Mantuanum de
 amoribus Mincij, ac de Vergilio.

d. Væbat choreas Veneris puer inter olores,
 Eridanus placidis qua nemus ambit aquis.
 Naides, & sociæ uaria sub ueste Napææ
 Fundebant raris carmina culta modis.
 Ipse manu rutilam gestabat ab ære sagittam,
 Et leuis instabili sub pede pulsai humum.
 Quæq; mouet pennas, tremulæ stridere fauillæ,
 Perq; leuiter frondes sparsilis aura micat.
 Eridanus spectat fluenti crine superbus,
 Populeo madidum cinctus honore caput,
 Mincius & spectat uarianti lætus amictu,
 Mincius Ausoniæ clarus honore tubæ.
 Spectat arundineo formosus Mela galero,
 Diues & undosis Abdua gurgitibus.
 Quiq; amnes socij regem uenerantur, & ipsi
 Quiq; scætant fontes, quæq; palustris aqua.
 Ecce autem niueis Cycnus se sustulit alis,
 Cycnus olorini duxq; decusq; chori,
 Deq; manu pueri rostro plaudente sagittam
 Eripit, & cantu sydera summa petit.

Conceptit flammis ferro stridente sagitta.
 Gaudet olor, fraudem ridet & ipse puer,
 Inq; sinum Minci rutilis delapsa fauillis
 Affluit tenero fulgida amore senem.
 Hinc in Pasialen telo flammante reluxit,
 Pasiale vulnus sensit & ipsa suum.
 Instaurauit amor choreas. suspirat uterq;
 Cantat olor, cantu consonat omne nemus.
 Senserunt flammis ripæ, sensere salicta,
 Infantem decimo sydere Nympha parit,
 Excapit hunc, tepidoq; sinu complexa Melisse,
 Blanda fouet, blandis conciliatq; iocis.
 Instratum lauri folijs, somnoq; grauatum.
 Tutanturq; & apes, labraq; melle linunt.
 Hinc Musæ placidis salicum docuere sub umbris,
 Sebethus liquidis qua fluit uber aquis.
 Inde specu exceptus, uiridisq; in rupe Vesui
 Pastor agens cecinit Tityre coge pecus.
 Huc ades o' Melibœe, caper tibi saluus, & hoedi,
 Ite domum saturi, nox uenit, ite greges.
 Post lætas segetes, quo sydere uertere terram
 Conueniat, Baccho qui sit & aptus ager.
 Cura bouum quæ sit, pecori quis cultus habendo,
 Et docuit pressis mella liquare fauis.
 Felix aruorum cultu, felicior armis,
 Dum profugum Aeneam, dum canit arma uirum.
 Illi Vulcanus clypeum, sua Mulciber arma
 Aptat, & in classem corruit omne nemus.
 Illi fatorum seriem, gentisq; togatæ
 Deiphobe Glauca monstrat, & omne genus.

ERIDANORVM

Inde sedens e bore in niueo Sebethida ad undam
 Colligit Hetruscas, Marrubiasq; manus.
 Agmen agit Lausus, magniq; ipse agminis instar,
 A cœtrituq; pedum terra Sabina tremat,
 Et quoties raucum gemuit cœua buccina, matres
 Presserunt natos pectora ad ipsa suos.
 O' salue Italidum gentis decus, in Latium qui
 Aonio ducis uertice Pieridas.
 Salue & Idumœas debet cui Mantua palmas,
 Cui phœbus Latio uestit honore comam.
 Sparge Charis roremq; tuum, Syriosq; liquores,
 Parthenope uiolas, Mantua funde rosas.
 Ipse aram statuens uati, uenerare Camœnas
 Antimache, & patriæ concine grata tue.
 Quæ puerum genuit, cuius sub uoce locuta
 Pierides nostrum constituere decus.

DE INFELICITATE amantum.

Antando lucas per agit sub fronde Cicada.
 Et mulcet syluas carmine læta suo.
 At tenebras sub rore leui, sub deside somno
 Transigit & noctes, nocte iuuante, suas.
 Cantando moritur, sentit nec tædia mortis,
 Quin cantu uitam ducat, & exequias.
 O' felix ortu, interitu felicior. at me
 Et nox nigra grauat, uexat & atra dies.
 Ante fores iaceo gelidæ sub frigora brumæ,
 Nec pudet ætatis, Pieridumq; senem.
 Ante fores, sub sole leo dum feruet, & ignis
 Vshlat Ictarius, conqueror usq; senex.